

## حضرت عباس (ع) و قارداشلاري نين دوشميين اماننامه سيندن ايمتينا عسي

حضرت عباس (ع) و قارداشلاري نين 61 هيجري قمرى ايلينده دوشميين اماننامه سيندن ايمتينا عسي...



حضرت عباس (ع) و قارداشلاري نين 61 هيجري قمرى ايلينده دوشميين اماننامه سيندن ايمتينا عسي.

كؤنيه سى «ام البنين» اولان فاطمه، اميرالمؤمينان عيالى نين دؤرد رشيد و ديلاور اوشاغي واريدى كى هاميسى كربلا چؤلونده قارداشلاري و ايماملاري حضرت ابي عبدالله الحسين (ع) ريكايندا حاضيريدير. حضرت عباس (ع) كى اونلارين بؤيوگو ايدي، چوخلو شوهرتي واريدى و گؤزل جمالي، رشيد قامتي، شوواعتلي، تقوالي و غيرتلي اولدوغونا گؤره «قمر بني هاشم» آدينا تانيميشدي و ايمام حسين (ع) قوشونوندا اولماسى اهل بئيت دوشمنلرينه چوخ آغير و ناراحات ائليهن ايدي.

بونا خاطر دوشمن چاليشيردي اونو و قارداشلاريني ايمام حسين (ع) توحيد جييهه سيندن آييريپ «اموي» باطيل جييهه سينه مولحق ائله سين.

بونا گؤره ام البنين (س) -ين قبيله سيندن اولان شمر بن ذي الجوشن كلابي مأمور اولدو كى حضرت عباس (ع) و اونون اوچ قارداشينا اماننامه وئرسين.

او، تاسوعا گونون آخشامي امام حسين (ع) خئيمه سينه ياخينلاشيب و اوچادان قيشقيردي: منيم باجي اوغلانلاريم هاردا ديلا؟»

ايمام حسين (ع) كى شمرين منظورون بيلميشدي اؤز قارداشلارينا بو يوردو: شمرين جوابيني وئرين، هرچند او فاسيق آدامدي آما سيزين قوهوملوغو وار.

حضرت عباس (ع) و اوچ قارداشي (عبدالله، جعفر و عثمان) شمرين يانينا گلديله و سوروشدولار: ايستگين نهدير؟

شمر دندي: سيز منيم باجي اوغلانلاريمسيز. بيلين كى نچه ساعتدن سونرا ساواش آلولاري قالحاجاق و حسين بن علي (ع) كؤمكلريندن هئچ كس ديرى قالماياجاق. من سيزه عمر بن سعد دن اماننامه گتيرميشم. سيز بو ساعتدن بيزيم امانمىزداسيز، بو شرطين كى قارداشيز حسيندن (ع) ال چكه سيز و اونون قوشونون ترك انده سيز.

غيرت و وفا كانى اولان حضرت عباس (ع) اونا قيشقيردي: اللرين كسيلسين و آلاهي لعتني سنه و اماننامه وه اولسون. ائى آلاهي دوشمني ! بيزه دئيرسن كى مولايمىز و قارداشيمىز حسين (ع) كؤمگيندن ال چكاق و ملعونلار و موردارلارين ايطاعتينه واريد اولاق؟ بيزه امان وئيررسن آما بيميرين اوغلونا امان يوخدور؟

شمر ام البنين (س) -ين اوشاقلاريني بو كسكين جوابيدان اومودسوز اولوب غضبلندي و ذلاتي اينن اؤز خئيمه سينه قايتدي.

بعض ريوایتلرده شمر بن ذي الجوشن يئرینه «عبدالله بن ابي محل بن حزام» آدیندا ام البنين (س) -ين قارداشیندان آد آپاریلار كى حضرت عباس (ع) و قارداشلارينا اماننامه آپارميشدي، آما اونلارين منفي جوابي اينن اوز به اوز اولدو.

هر حالدا، عمر بن سعدین قوشونو بو اويوندان فايدا گورمه دي و ايمام حسين (ع) مستحکم قوشونوندا خدشه سالانمادي.